

蔣致遠主編  
中國民俗叢書

中國方言語彙全集

宗青圖書公司印行

稱

謂

錄

稱謂錄第七本

卷二十五目

現任官員

官員眷屬

官員父母

大員子女

紳

故宦

故紳



官親

幕

閹

僕

婢

卷二十六目

書

各役

快足

使

長工

短工

兵頭

兵

親兵

鄉團

勇頭

勇

水勇

隸

卷二十七目

醫

卜

星

相

折字

地師

墓

算數

農

佃戶

蠶織

鹽

酒

茶

卷二十八目

百工

商賈

客民

土民

術士

牙人

媒

和事

見證

頂替

通事

致賓

贊禮

廟祝



稱謂錄卷二十五

福州梁章鉅撰

男恭辰校刊

現任官員

當軸 漢書田千秋傳贊當軸處中括囊不言 北史

齊紀總論佞闇處當軸之權 宋史蘇軾傳積以論

事爲當軸者所恨 案閩向稱現任官爲當道

朝士 沈周客座新聞秋官郎中陸孟昭於邸第外隙  
地構屋數間朝士迎送必假之爲宴

執政官 甲申雜記見任執政官生日賜以酒食

當路子 孟子夫子當路於齊 阮籍詩如何當路子

磬折忘所歸 杜甫詩歎息當路子

瑣廳 石林燕語祖宗時見任官應進士舉謂之瑣廳

雖中選止令遷官而不賜科第不中者停見任 池

北偶談宋時見任官得應制科文官許二次武官一

次謂之瑣廳

朝達 南部新書長安舉子自六月後落第不出京者

謂之過夏醵率酒饌請題目於知已朝達謂之私試

官員眷屬

老爺 元史董搏霄傳我董老爺也又三朝北盟會編  
云魚磨山寨軍亂殺其統領官馬老爺

太太 胡應麟甲乙剩言有一邊道轉御史中丞作除  
夕詩云幸喜荆妻稱太太且斟柏酒樂陶陶蓋部民  
呼有司眷屬惟中丞以上得稱太太故喜而見諸歌  
咏 何良俊四友齋叢說松江十餘年閒凡士夫妻  
年未三十卽呼太太前輩未有此太可笑也 翟灝  
通俗編今燕秦之地雖丐婦無不稱太太者

寓公 宋蕭參希通錄今人以寄居之官爲寓公禮郊

特牲諸侯不臣寓公注寄公之子寄公字尤新

縣君 見上知縣門 案縣君亦稱邑封見睽車志

夫人 漢書如淳注列侯之妻稱夫人子復爲列侯稱

太夫人

命夫 命婦 周禮秋官小司寇凡命夫命婦不躬坐

獄訟 後漢書安帝紀注命夫者男子之爲大夫也

官員父母

封君 史記平準書自天子以至於封君 漢書食貨

志封君皆氏首仰給焉註封君受封邑者謂公子及

列侯之屬 劉禹錫詩等閒種樹比封君 案封君

卽封翁之別稱

贈公 贈君 唐宋古文碑狀中多有贈公贈君之稱

太夫人 漢書注見上 文選閒居賦太夫人乃御板

輿 杜甫詩起居八座太夫人

大員子女

國子 周禮大司樂掌成均之法而合國之子弟焉注  
國之子弟公卿大夫之子弟當學者謂之國子弟又  
諸子注國子謂諸侯卿大夫之子 漢書國子者卿

大夫之子弟也

品子 孟郊詩品子懶讀書轅駒難服犁品子仕宦子弟也

貴遊子弟 周禮師氏凡國之貴遊子弟學焉 抱樸子貴遊子弟遊乎深宮之中長乎婦人之手憂勞之懼未嘗經心 南史當使華實相稱不得止取貴遊子弟而已

君子子 儀禮喪服傳君子子者貴人之子也

公子 公羊隱元年公子益師卒注諸侯之子稱公子

詩爲公子裳 史記平原君傳贊翩翩濁世之佳公

子也 楚辭思公子兮未敢言 案論衡感類諸侯

之子稱公子諸侯之孫稱公孫

臣肇 禮記公子曰臣肇注公子公侯衆子也

貴介公子 酒德頌貴人子曰貴介公子

公卿子弟 唐書李德裕曰公卿子弟臺閣之儀不教

自成

貴家子 宋史符昭壽傳昭壽以貴家子日事遊宴

長者家兒 馬援傳但畏長者家兒謂權要子弟